

OPĆINA CENTAR SARAJEVO**Općinsko vijeće**

U skladu sa članom 6. Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine ("Službene novine Federacije BiH", broj 19/08), u vezi sa članom 23. i na osnovu 10. stav 1. alineja druga, Statuta Općine Centar Sarajevo ("Službene novine Kantona Sarajevo", broj 23/04 - Prečišćeni tekst) te u skladu sa Zaključkom o prihvatanju inicijative za pokretanje postupka opoziva Općinskog Načelnika Općine Centar Sarajevo broj 01-45-542/23 od 27.07.2023. godine, Općinsko vijeće Centar Sarajevo je na 6. Vanrednoj sjednici održanoj dana 27.07.2023. godine, donijelo

ODLUKU**O POKRETANJU OPOZIVA NAČELNIKA OPĆINE
CENTAR SARAJEVO**

Član 1.

Ovom Odlukom pokreće se postupak opoziva načelnika Općine Centar Sarajevo Srđana Mandića (u daljem tekstu: opoziv Načelnika).

Član 2.

O opozivu Načelnika odlučuju građani Općine Centar Sarajevo neposrednim tajnim glasanjem koje će se održati u nedjelju 17.09.2023. godine, u vremenu od 07 do 19 sati.

Član 3.

Postupak opoziva Načelnika se provodi na području Općine Centar Sarajevo na biračkim mjestima koje odredi Komisija za provođenje postupka opoziva Načelnika (U daljem tekstu: Komisija) koja se imenuje posebnom odlukom Općinskog vijeća.

Član 4.

Pitanje o kojem se građani Općine Centar Sarajevo u postupku opoziva Načelnika izjašnjavaju glasi:

"Da li ste za opoziv načelnika Općine Centar Sarajevo Srđana Mandića?" sa ponuđenim odgovorima "ZA" ili "PROTIV".

Član 5.

Glasački listić za izjašnjavanje o opozivu Načelnika je formata A4 sa istaknutim grbom Općine Centar u zlatotisku, bijele boje, serijskim brojem listića i pečatom Općinskog vijeća Centar Sarajevo.

Ispod grba Općine Centar Sarajevo piše:

"Općina Centar Sarajevo

Općinsko vijeće

Komisija za provođenje postupka opoziva načelnika Općine Centar Sarajevo".

Na glasačkom listiću stoji datum glasanja i oznaka mjesta (Sarajevo).

Na glasačkom listiću je istaknuto pitanje o kojem se građani Općine Centar Sarajevo izjašnjavaju u postupku opoziva Načelnika, sa ponuđenim odgovorima.

Na dnu glasačkog listića je sljedeće uputstvo glasačima:

"Napomena:

Glasanje se vrši zaokruživanjem oznake ZA ili PROTIV.

Ukoliko zaokružite oznaku ZA, glasate za prestanak mandata načelnika Općine Centar Srđana Mandića.

Ukoliko glasate PROTIV, glasate za nastavak mandata načelnika Općine Centar Sarajevo Srđana Mandića".

Na pozadini glasačkih listića za glasanje u odsustvu piše "POŠTA".

Vizualni izgled glasačkog listića u skladu sa odredbama ovog člana određuje Komisija.

Član 6.

Finansijska sredstva potrebna za provođenje postupka opoziva Načelnika (izrada biračkog materijala za opoziv, naknada za rad Komisije i biračkih odbora, obezbjeđenje i uređenje biračkih mjesta, transport biračkog materijala i drugi troškovi) obezbjeđuju se u Budžetu Općine Centar Sarajevo kroz preraspodjelu sredstava, u skladu sa Zakonom o budžetima u Federaciji Bosne i Hercegovine ("Službene novine Federacije BiH", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25/22).

Član 7.

Uputstvom za provođenje postupka opoziva Načelnika koje donosi Općinsko vijeće, detaljno se propisuje procedura za provođenje neposrednog tajnog glasanja građana putem kojeg se odlučuje o opozivu Načelnika.

Komisija je nadležna da donosi i druge provedbene akte za provođenje postupka opoziva Načelnika, te da daje obavezujuća mišljenja o provođenju akata koje donosi.

Član 8.

Komisija je dužna u okviru svog rada obavijestiti stanovnike Općine Centar Sarajevo o provođenju postupka opoziva Načelnika, stanovnicima objasniti način glasanja te koje posljedice proizvodi glasanje.

Sredstva za realizaciju obaveze Komisije iz stava 1. ovog člana, obezbjeđuju se u Budžetu Općine Centar Sarajevo za 2023. godine, u skladu sa planom objave obavještanja građanima koji donosi Komisija.

Član 9.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-04-180/23
27. jula 2023. godine
Sarajevo

Predsjedavajući
Općinskog vijeća
Sejad Đozo, s. r.

Ova Odluka je objavljena na oglasnoj ploči Općine Centar dana 11.08.2023. godine.

U skladu sa članom 6. Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine ("Službene novine Federacije BiH", broj 19/08), u vezi sa članom 23. i na osnovu 10. stav 1. alineja druga, Statuta Općine Centar Sarajevo ("Službene novine Kantona Sarajevo", broj 23/04 - Prečišćeni tekst) te u skladu sa Zaključkom o prihvatanju inicijative za pokretanje postupka opoziva Općinskog Načelnika Općine Centar Sarajevo broj 01-45-542/23 od 27.07.2023. godine, Općinsko vijeće Centar Sarajevo je, na 6. vanrednoj sjednici održanoj dana 27.07.2023. godine, donijelo

ODLUKU**O FORMIRANJU KOMISIJE ZA PROVOĐENJE
POSTUPKA OPOZIVA NAČELNIKA OPĆINE CENTAR
SARAJEVO**

Član 1.

Ovom Odlukom formira se Komisija za provođenje postupka opoziva načelnika Općine Centar Sarajevo, Srđana Mandića (U daljem tekstu: Komisija) i utvrđuje djelokrug i druga pitanja od značaja za rad Komisije.

Član 2.

Komisija radi u sastavu:

1. Anaid Redžović (predsjednik Komisije)
2. Ibrahimović Kemal (zamjenik predsjednika Komisije)
3. Ermin Kurtović
4. Saliha Husikić
5. Sanela Arapović Demir
6. Enisa Pazelja
7. Fadila Bošnjak

Član 3.

Komisija ima obavezu da organizuje i provede postupak opoziva načelnika Općine Centar Sarajevo u skladu sa zakonom i Odlukom Općinskog vijeća Centar o pokretanju postupka opoziva načelnika Općine Centar.

Član 4.

Članovi Komisije imaju pravo na mjesečnu novčanu naknadu u visini 80% prosječne plate u Federaciji Bosne i Hercegovine u 2022. godini.

Naknada će se isplatiti za svaki mjesec u kojem Komisija bude zasjedala i radila.

Sredstva za ovu namjenu se obezbjeđuju u Budžetu Općine Centar Sarajevo za 2023. godinu.

Član 5.

Komisija će podnijeti izvještaj o okončanom postupku opoziva načelnika Općine Centar Sarajevo Općinskom vijeću Centar Sarajevo.

Član 6.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-04-181/23
27. jula 2023. godine
Sarajevo

Predsjedavajući
Općinskog vijeća
Sejad Dozo, s. r.

Ova Odluka je objavljena na oglasnoj ploči Općine Centar dana 11.08.2023. godine.

Na osnovu člana 20. stava 2. Zakon o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), a u vezi sa članom 10. Statuta Općine Centar Sarajevo ("Službene novine Kantona Sarajevo", broj 23/04 - Prečišćeni tekst), na 7. vanrednoj sjednici održanoj 10.08.2023. godine, Općinsko vijeće Općine Centar Sarajevo, donosi

ODLUKU**O POTVRĐIVANJU ODLUKA I AKTA OPĆINSKOG VIJEĆA OPĆINE CENTAR SARAJEVO DONESENIH NA 6. VANREDNOJ SJEDNICI ODRŽANOJ 27.07.2023. GODINE**

Član 1.

Potvrđuje se Odluka o pokretanju opoziva načelnika Općine Centar Sarajevo broj 01-04-180/23, koju je Općinsko vijeće Općine Centar Sarajevo donijelo na 6. vanrednoj sjednici održanoj 27.07.2023. godine.

Član 2.

Potvrđuje se Uputstvo za provođenje postupka opoziva načelnika Općine Centar Sarajevo, koje je Općinsko vijeće Općine Centar Sarajevo donijelo na 6. vanrednoj sjednici održanoj 27.07.2023. godine.

Član 3.

Potvrđuje se Odluka o imenovanju Komisije za provođenje postupka opoziva načelnika Općine Centar Sarajevo

broj 01-04-181/23, koju je Općinsko vijeće Općine Centar Sarajevo donijelo na 6. vanrednoj sjednici održanoj 27.07.2023. godine.

Član 4.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-04-192/23
10. augusta 2023. godine
Sarajevo

Predsjedavajući
Općinskog vijeća
Sejad Dozo, s. r.

Ova Odluka je objavljena na oglasnoj ploči Općine Centar dana 11.08.2023. godine.

Na osnovu člana 6. Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine ("Službene novine Federacije BiH", broj 19/08), člana u vezi sa članom 23. i na osnovu člana 10. Statuta Općine Centar Sarajevo ("Službene novine Kantona Sarajevo", broj 23/04 - Prečišćeni tekst) te Zaključka o prihvatanju inicijative za pokretanje postupka opoziva Općinskog načelnika Općine Centar Sarajevo broj 01-45-542/23 od 27.07.2023. godine, Općinsko vijeće Centar Sarajevo je, na 6. vanrednoj sjednici održanoj dana 27.07.2023. godine, donijelo

UPUTSTVO**ZA PROVOĐENJE POSTUPKA OPOZIVA NAČELNIKA OPĆINE CENTAR SARAJEVO****PRVI DIO - UVODNE NAPOMENE**

Član 1.1

Uputstvom za provođenje postupka opoziva načelnika Općine Centar Sarajevo uređuje se:

- a) vrste, način i rokovi za određivanje biračkih mjesta;
- b) postupak imenovanja biračkih odbora;
- c) kontrola, pakovanje, dostavljanje i predaja izbornog materijala, dužnost predsjednika biračkog odbora i uloga članova biračkog odbora, način glasanja na glasačkim mjestima, rokovi za dostavljanje biračkih paketa glasačima registrovanim za glasanje putem pošte i prihvatanje povratne koverta;
- d) način brojanja glasačkih listića na redovnim biračkim mjestima, glasača koji glasaju putem mobilnih timova, putem pošte i putem nepotvrđenih glasačkih listića;
- e) način pakovanja izbornog materijala na biračkim mjestima;
- f) način i rokovi za objavljivanje izbornih rezultata;
- g) procedure za rješavanje po prigovorima i žalbama podnesenim Komisiji za provođenje postupka opoziva
- h) postupak akreditovanja posmatrača;
- i) finansiranje postupka opoziva.

Član 1.2

Značenje pojmova kroištenih u ovom Uputstvu:

- a) "CIK"- Centralna izborna komisija Bosne i Hercegovine
- b) "Komisija"- Komisija za provođenje postupka opoziva Načelnika
- c) "CBS"- Centralni birački spisak
- d) "izborni posmatrač"- predstavnici međunarodnih posmatrača, udruženja građana i politički subjekti akreditovani u skladu sa ovim Uputstvom